




1611_004r.jpg




1611_073r.jpg




1611_004v.jpg




1611_132r.jpg



1611_073v.jpg



1611_132v.jpg



1611_260r.jpg

du Mercure François.

260

1611.

Roy de Suece l'auoit enuoyee publier à la Foire de Helsingoere pays de Dannemarc, & l'auoit fait d'authorité signifier à ses Recueurs, sans en auoir auparauant aduertiy le Roy de Dannemarc, ce qui apparoissoit assez auoir esté fait contre son autorité.


Qu'afin que la nauigation ne fust intermise du tout, & que les mandemens du Roy de Suece n'apportassent aucun prejudice au Royaume de Dannemarc, il auoit enuoyé lettres aux Conseillers de Suece, pour afin qu'ils eussent à aduertir leur Roy de permettre la nauigation libre, & de reprimer & chastier les pirates. A quoy pour responce il eut, que les Danois qui estoient lors à Rige en pouuoient sortir sans que l'on leur fist tort aucun; les aduertissant toutesfois de ne retourner en ceste nauigation sur les peines portees par l'Edict.

Que luy Roy de Dannemarc ayant receu ceste responce, n'auoit peu faire autrement que de commander à ses subjects qui traffiquoient à Rige & en Curlandie, de n'aller qu'en nombre, & qu'illes feroit accompagner par aucunes de ses nauires de guerre, pour assseurer leur allee & retour: Auec injonction à sesdites nauires de guerre de ne faire aucune moleste aux Sueciens.


Qu'il ne pouuoit passer sous silence ce que le Roy de Suece auoit entrepris en Noruege: aussi qu'à la Conference de Flaccembecci ses Ambassadeurs auoient tesmoigné hautement, que la moitié de la Iurisdiction & des reuenus

K k k iij


1611_005r.jpg



1611_074r.jpg



1611_260v.jpg



1611.

Premiere continuation

qui estoient depuis le Golfe de Titisford iusques à Marangare, appartennoient au Royaume de Suece : Plus, que la moitié de Noruege luy deuoit estre laissée ; & que depuis Marangare iusques à Varangare de tous les reuenus que les Lapponiens deuoient en trois ans, il y en auoit deux anneés qui appartennoient au Royaume de Suece, & l'autre à celuy de Noruege, & selon qu'il estoit contenu en la transaction faite en l'an 1595. avec les Moscouites. Et sur lesquels pays le Royaume de Suece pretendoit auoir la moitié de la Iurisdiction Ecclesiastique & Politique, & droit sur tout le peuple & pays, & sur toutes les forests & mers ; & que l'autre moitié appartennoit au Roy de Noruege : Toutesfois que luy Roy de Dannemarc ne vouloit debattre la Iurisdiction sur les Lapponiens, mais qu'il pouuoit dire que par cy-deuant aucun Roy de Suece n'auoit vsé d'aucune Iurisdiction sur eux : Et aussi que nul des Roys de Suece n'auoit désiré ny eu aucune Iurisdiction en Noruege ; si ce n'estoit le Roy de Suece à present, lequel par toutes voyes & procédures taschoit de s'attribuer les domaines & possessions de tous lesdits lieux.

Qu'au Couronnement du Roy de Suece fait en l'an 1607. il auoit adjousté à ses tiltres, *Des Lapponiens en Nordlandie*, ce qui auoit esté fait du consentement du Conseil de Suece.

Dauantage que Balthazar Becci se disoit Gouverneur pour les Sueciens des Vvest-Bottors, Lappemarchiens, & Lapponiens Septentrionaux

trionaux
Lapponi
pays les
uerneur.

Plus,
Sueciens
sur lesqu
ceux au
l'an 1563,
traigno
choles, à
tous leu

Qu'a
de nou
sur le be
que le C
nom de
de contr
qu'il y fa
certain I
pour le
neur de
son entr
de Suece
que le na

Quo t
par les Su
Aussi
Suece au
ville de
nouveau
permision

Image issue du site mercurefrancois.ehess.fr - Cliché (c) Cécile Soudan